

Գիտություն

ՀԱՅԵՍՏԱՆԻ

№ 10

(227)



2010 թ.

ՀՀ Գիտությունների ազգային ակադեմիայի թերթ

Հրատարակվում է 1993 թ. փետրվարից



Հայաստանի հարավում բնության գոյություն ունեցող 9-րդ դարի Տաթևի վանական համալիրը հավերժական իր երթում պատրաստ է 21 դարի մեծ թռիչքին. աշխարհում ամենաերկար՝ «Տաթևի թևեր» երկկողմանի ճոպանուղին արդեն իրականություն է: 5,7 կմ երկարությամբ ճոպանուղին 30 շինարարի 11 ամիսների աշխատանքի արդյունք է. այն ձգվում է Որոտանի գեղատեսիլ կիրճի վրայով՝ 11 րոպեում կապելով Հալիծոր և Տաթև գյուղերի կայանները ճիշտ այնպես, ինչպես «Տաթևի վերածնունդ» ծրագիրն է կամրջում անցյալի փառահեղ ժառանգությունն ապագայի հետ:



ՀՀ նախագահի հրամանագրով

Հայաստանի Հանրապետության անկախության հռչակման 19-րդ տարեդարձի առթիվ ՀՀ ԳԱԱ ակադեմիկոս Սեն Սուրենի Արևշատյանը պարգևատրվել է «Հայրենիքին մատուցած ծառայությունների համար» Առաջին աստիճանի մեդալով:

Հայաստանի Հանրապետության անկախության հռչակման 19-րդ տարեդարձի առթիվ, գիտության զարգացման գործում ունեցած մեծ վաստակի համար Հայաստանի Հանրապետության գիտության վաստակավոր գործչի պատվավոր կոչում է շնորհվել՝

Լենսեր Աբգարի ԱՂԱՆՎԱՅԱՆԻՆ - ՀՀ ԳԱԱ մեխանիկայի ինստիտուտի տնօրենի խորհրդական, ՀՀ ԳԱԱ ակադեմիկոս

Արմեն Անուշավանի ԳԱՆՅԱՆԻՆ - ՀՀ ԳԱԱ ակադեմիկոս

Գրիգորի Ալեքսանդրի ԴԱՐԻՔՅԱՆԻՆ - Երևանի պետական համալսարանի տնտեսագիտության ամբիոնի պատվավոր վարիչ, ՀՀ ԳԱԱ թղթակից անդամ:

ՀՀ ԳԱԱ ոսկե մեդալ շնորհվեց միջազգային գիտափոխակական կենտրոնի գործադիր տնօրեն Ադրիան Կան Դեր Մեերին

Հայաստանում գիտության զարգացման աջակցելու համար Միջազգային գիտափոխակական կենտրոնի գործադիր տնօրեն Ադրիան Կան Դեր Մեերը պարգևատրվեց ՀՀ գիտությունների ազգային ակադեմիայի ոսկե մեդալով: Մեդալի հանձնման հանդիսավոր արարողությունը տեղի ունեցավ հոկտեմբերի 5-ին:

Միջոցառմանը մասնակցում էին ՀՀ ԳԱԱ ղեկավարությունը, ՀՀ կրթության և գիտության նախարար Արմեն Աշոտյանը, գիտության պետական կոմիտեի ղեկավար Սամվել Հարությունյանը, Միջազգային գիտափոխակական կենտրոնի կողմից ֆինանսավորվող գիտական նախագծերի ղեկավարներ, գիտական հասարակայնության ներկայացուցիչներ:

Նշենք, որ Միջազգային գիտափոխակական կենտրոնը միջկառավարական կազմակերպություն է, որը հիմնադրել են Եվրամիությունը, Ճապոնիան, Ռուսաստանի Դաշնությունը և ԱՄՆ-ը: Ներկայումս Միջազգային գիտափոխակական կենտրոնը ֆինանսավորվում է Նորվեգիայի, Կորեայի Հանրապետության և Կանադայի կողմից:

ՀՀ ԳԱԱ-ՈՒՄ ՍՏԵՂԾՎԵՑ «ՀԱՅԿԵՆՍԱՏԵԽՆՈԼՈԳԻԱ» ԳԻՏԱԱՐՏԱԴՐԱԿԱՆ ԿԵՆՏՐՈՆ ՊՈԱԿ-Ը

«Կենսատեխնոլոգիայի գիտահետազոտական ինստիտուտ» ՓԲԸ-ի և ՀՀ ԳԱԱ «Միկրոբիոլոգիայի և մանրէների ավանդադրման կենտրոն» ՊՈԱԿ-ի միաձուլմամբ ՀՀ ԳԱԱ-ում ստեղծվեց ՀՀ ԳԱԱ «Հայկենսատեխնոլոգիա» գիտաարտադրական կենտրոն» ՊՈԱԿ-ը:

ՄՈՄԻԿԻ -750

Միջնադարի հայ հանճարեղ ճարտարապետ, քանդակագործ, մանրանկարիչ և գրիչ Մոմիկի ծննդյան 750-ամյակին նվիրված հոբելյանական միջոցառումների շարքում 2010 թվականի հոկտեմբերի 15-ին ՀՀ ԳԱԱ նախագահության նիստերի դահլիճում տեղի ունեցավ գիտաժողով, որի աշխատանքների ընթացքում ՀՀ ԳԱԱ արվեստի ինստիտուտի, Մ.Մաշտոցի անվան Մատենադարանի և ԵՊՀ գիտնականների ու զեկուցումներում և մեկ հաղորդման մեջ ներկայացվեց արվեստագետի բազմաճյուղ գործունեությունը՝ իր բոլոր բնագավառներով:


Բացման խոսքում ՀՀ ԳԱԱ արվեստի ինստիտուտի տնօրեն, արվեստագիտության դոկտոր, պրոֆեսոր Արարատ Աղասյանը նշեց, որ Մոմիկի մասին առկա գրականությունը թերթիկի նկատել է, որ հետազոտողներից ոչ ոք Մոմիկին չի համեմատել իտալական Վերածննդի «կնքահայր», հանճարեղ արվեստագետ Զոտտոյի հետ: Մինչդեռ Զոտտոն ևս ծնվել է 13-րդ դարի 60-ականներին (1266-1337) և Մոմիկի պես մահացել 14-րդ դարի 30-ականներին: «Կնքահայր, որ Զոտտոն և Մոմիկը ոչ միայն ժամանակակիցներ էին, այլև՝ հասակակիցներ: Ավելին: Ինչպես Զոտտոն իտալական արվեստում, այնպես էլ Մոմիկը հայկական միջնադարյան արվեստում իր ժամանակից առաջ ընկած, նորարար, արվեստում նոր ուղիներ հարթող ունիվերսալ վարպետ էր: Այդ իմաստով Մոմիկին կարելի է անվանել «հայկական Զոտտո»:

Ողջունելով գիտաժողովի մասնակիցներին՝ ՀՀ ԳԱԱ Հայագիտության և հասարակական գիտությունների բաժանմունքի ակադեմիկոս-քարտուղար, ակադեմիկոս Վլադիմիր Բարխուդարյանը կարևորեց գիտական սեսիայի անցկացումը և նկատեց, որ թեև 10-14-րդ դարերի հայ մշակույթը միջնադարի զագաթնակետն է, երբ մեծ վերելք ապրեցին գիտությունն ու արվեստը, սակայն մինչ օրս այն ներկայացված չէ եվրոպական մշակույթի ֆոնի վրա: «Ամիրաժեշտ է ուսումնասիրել 12-14-րդ. հայ գիտության և արվեստի առանձին գործիչների ստեղծագործությունները, ցույց տալ, որ Հայաստանում այդ դարերում նախավերածնության շրջան էր, ընդհանրացված ներկայացնել այդ դարերի մշակույթը և օտար լեզվով ներկայացնել հանրությանը»:

Գիտաժողովի մասնակիցներին ողջունեց նաև Մոմիկի ծննդյան 750-ամյակին նվիրված հոբելյանական կառավարական հանձնաժողովի անդամ, Հայաստանի ճարտարապետների միության նախագահ Մկրտիչ Մինասյանը:

Գիտաժողովում առաջինը հանդես եկավ ՀՀ ԳԱԱ արվեստի ինստիտուտի ճարտարապետության բաժնի վարիչ, ՀՀ ԳԱԱ թղթակից անդամ, ճարտարապետության դոկտոր, պրոֆեսոր Սուրադ Հասրաթյանը՝ «Մոմիկը որպես ճարտարապետ» թեմայով զեկուցումով: Բանախոսը նշեց, որ նկարիչ, քանդակագործ և ճարտարապետ Մոմիկը բացառիկ երևույթ էր միջնադարի հայ (և ոչ միայն հայ) արվեստում: Նրա ճարտարապետական ստեղծագործությունները արվեստների սինթեզի գլուխգործոցներ են, որոնց նշանակությունն անվիճելիորեն դուրս է գալիս ազգային մշակույթի շրջանակներից: «Նրա կերտած Արենիի Ա.Աստվածածին եկեղեցին երկմույթ գմբեավոր եկեղեցու լավագույն օրինակն է, իսկ Նորավանքի Բուրբուլաշեն երկհարկ, եռայարուս եկեղեցին՝ նոր խոսք համաքրիստոնեական պաշտամունքային ճարտարապետության մեջ»:

Մոմիկի խաչքարերի ուսումնասիրությանն էր նվիրված ԵՊՀ մշակութաբանության ամբիոնի վարիչ, պատմական գիտությունների դոկտոր Համլետ Պետրոսյանի բանախոսությունը: Ըստ զեկուցողի՝ Մոմիկի խաչքարերի բնութագիրը նույնական է դասական խաչքարերի բնութագրին: «ճարտարապետը, քանդակա- ➤ 3




Լրացավ ականավոր մաթեմատիկոս, Լորիս-տերն համալսարանի պրոֆեսոր, ՀՀ ԳԱԱ արտասահմանյան անդամ Արշակ Հաճյանի ծննդյան 80-ամյակը:

Հայաստանի գիտական հասարակայնությունը, ՀՀ ԳԱԱ նախագահությունը ջերմորեն և սրտանց շնորհավորում են Արշակ Հաճյանին՝ ծննդյան 80-ամյա հոբելյանի առթիվ, ցանկանում քաջ առողջություն ու երջանկություն՝ իր հարազատների ու մտերիմների հետ միասին:

Բոլորեց ականավոր գիտնական, արևելագետ, արաբագետ և միջազգայնագետ, ՀՀ գիտությունների ազգային ակադեմիայի թղթակից անդամ, գիտության վաստակավոր գործիչ, պատմական գիտությունների դոկտոր, պրոֆեսոր Նիկոլայ Հովհաննիսյանի ծննդյան 80-ամյակը: Նա հայ արևելագիտության հիմնադիրներից և հիմնասյուներից մեկն է, միջազգային մեծ հեղինակություն վայելող ինքնատիպ գիտնական-հետազոտող, որի աշխատությունները ծանրակշիռ ներդրում են ոչ միայն հայ արևելագիտության, այլև ընդհանրապես ժամանակակից արևելագիտության բնագավառում:

Պրոֆեսոր Ն. Հովհաննիսյանի գիտական գործունեությունը կես դարից ավելի սերտորեն կապված է ՀՀ ԳԱԱ արևելագիտության ինստիտուտի հետ, որի բազմամյա տնօրենն է եղել: Բացառիկ է նրա դերակատարումը հայ արևելագիտության գիտահետազոտական ուղղությունների ձևավորման և զարգացման գործում: Նա արաբագի-



ԱԿԱՆԱՎՈՐ ԱՐԱԲԱԳԵՏԸ

Պրոֆեսոր Նիկոլայ Հովհաննիսյանի ծննդյան 80-ամյակի առթիվ

տության հայկական դպրոցի հիմնադիրն է:

Լայն է պրոֆ. Ն. Հովհաննիսյանի գիտական ուսումնասիրությունների տեսադաշտը: Արաբական երկրների պատմության, մերձավորարևելյան տարածաշրջանային, արտաքին քաղաքականության, գաղափարախոսության, քաղաքական իսլամի, հայ-արաբական, այդ թվում և միջպետական հարաբերությունների, բախումաբանության, ցեղասպանագիտության հիմնախնդիրների ուսումնասիրություն, ահա նրա գիտական հետաքրքրությունների ոլորտը: Այդ հիմնախնդիրներին նվիրված նրա ուսումնասիրությունների թվաքանակն անցնում է 450-ից, այդ թվում և տասնյակ մենագրական ուսումնասիրություններ: Նրա աշխատությունները հրատարակվել են բազմաթիվ եվրոպական, ամերիկյան և ասիական երկրներում՝ աշխարհի տարբեր լեզուներով: Երկար ժամանակ նրա գիտական հետազոտությունների կենտրոնում է եղել ազգային-ազատագրական շարժումների ուսումնասիրությունը, որ ամփոփված է նրա հրատարակած յոթ հատորներում:

Ն. Հովհաննիսյանի արաբագիտական ուսումնասիրությունների թագն ու պսակը կազմում է նրա «Արաբական երկրների պատմություն (VII դ- 2005 թ.)» քառահատոր կոթողային աշխատությունը, որն արժանացել է Հայաստանի Հանրապետության նախագահի մրցանակին: Բարձր գնահատական է արժանի նաև Ն. Հովհաննիսյանի 1998 թ. անգլերեն լեզվով հրատարակված «Հայաստանի արտաքին քաղաքականությունը» մենագրությունը: Դա անկախ Հայաստանի արտաքին քաղաքականությանը

նվիրված առաջին մասնագիտական հետազոտությունն էր, որտեղ լուսաբանվել են Հայաստանի արտաքին քաղաքականության հիմնադրույթները, Հայաստանի հարաբերությունները Ռուսաստանի, Թուրքիայի, Իրանի, արաբական երկրների, Ադրբեջանի, Վրաստանի և Իսրայելի հետ:

Մեծ է Ն. Հովհաննիսյանի վաստակը Հայոց ցեղասպանության պատմագիտական և քաղաքագիտական հետազոտության ոլորտում: Նա վերջերս ընթերցողի սեղանին դրեց բացառիկ նշանակություն ունեցող իր երկու նոր ինքնատիպ մենագրությունները՝ «Հայոց ցեղասպանություն: Հայասպանություն» ամենացեղասպան ցեղասպանություն. աշխարհի տասը լեզուներով անգլերեն, ֆրանսերեն, ռուսերեն, գերմաներեն, թուրքերեն, ճապոներեն, հունգարերեն, հայերեն, արաբերեն և պարսկերեն», և «Արմենոցիդը ճանաչված ցեղասպանություն է»:

Ն. Հովհաննիսյանն իր կարևոր ներդրումն է բերել նաև արցախյան հիմնախնդրի գիտական ուսումնասիրության և լուծման ուղիների որոնումներում: Դրան նվիրված նրա մենագրական աշխատությունները հրատարակվել են Երևանում, ԱՄՆ-ում, Իտալիայում և Եգիպտոսում: Խոսքը հատկապես նրա «Դարաբաղյան հիմնախնդիրը. Ազատության և անկախության փշե ճանապարհը» աշխատության մասին է:

Պրոֆեսոր Նիկոլայ Հովհաննիսյանին բնորոշ են նոր տեսադրույթների առաջադրումը և հիմնավորումը: Նա 1982 թ. Համբուրգում գումարված Արևելագետների հա-

մաշխարհային XXXII կոնգրեսին ներկայացրեց արաբական երկրների անհամաչափ զարգացման իր նոր տեսադրույթը, որն արժանացավ մասնակիցների հավանությանը: Նա հեղինակն է միջարաբական հարաբերությունները միջազգային հարաբերությունների նոր տեսակ լինելու տեսադրույթի: Իսլամագետների միջազգային կոնֆերանսին նա ներկայացրեց «Իսլամի քաղաքականացման և քաղաքականության իսլամացման» իր բանաձևը, որը դարձավ գիտաժողովում քննարկված կենտրոնական հարցերից մեկը: Նա կողմնակիցն է այն տեսակետի, որ միջազգային հարաբերությունների կենտրոնը Եվրոպայից աստիճանաբար տեղափոխվում է Արևելք:

Ն. Հովհաննիսյանին, որն իր աշխատությունների շնորհիվ հայտնվել է միջազգային ճանաչում ունեցող մասնագետների առաջին շարքերում, արտասահմանյան գիտական կենտրոնները հաճախ են համատեղ աշխատանքի հրավիրում: Նրա անմիջական մասնակցությամբ 2007 թ. Կահիրեի համալսարանում բացվեց Հայագիտական հետազոտությունների կենտրոն: Բրիտանական ակադեմիայի հրավերով 1989 թ. գիտահետազոտական աշխատանքներ է իրականացրել Լոնդոնի և Օքսֆորդի համալսարաններում, շահելով Ֆուլբրայթի մրցանակ, 1993-1994 թթ. աշխատել է Ջորջ Վաշինգտոնի համալսարանում, իսկ 1995 թ.՝ Մերիլենդի համալսարանում և այլն:

Մեծ է Ն. Հովհաննիսյանի վաստակը հայ արևելագետների նոր սերնդի աճեցման և ձևավորման գործում: Նա եղել է մոտ 50 գիտաշխատողների գիտական ղեկավար:

Հայաստանի և Եգիպտոսի միջև միջկառավարական համատեղ հանձնաժողովի անդամ է, Հայ-ատլանտյան ասոցիացիայի պրեզիդենտ և այլն: Նիկոլայ Հովհաննիսյանը Փարիզի, Նյու Յորքի, Մոսկվայի, Գերմանիայի, Սիրիայի և այլ ակադեմիաների ու գիտական ընկերությունների անդամ է: Պարգևատրվել է ՀՀ ԳԱԱ նախագահության գովեստագրով, «Բարեկամության բնագավառում ներդրումի համար» Պատվո նշանով, Մովսես Խորենացու մեդալով, Ֆրիտյոֆ Նանսենի հուշամեդալով, «Հայոց Մեծ Եղեռն» ոսկեգծով մեդալով և այլն:

ՀՀ ԳԱԱ նախագահության և հայագիտության ու հասարակական գիտությունների բաժանմունքի ամունից սրտանց շնորհավորում ենք Ձեզ ծննդյան 80-ամյակի կապակցությամբ, ցանկանում արևշատություն և հետագա գիտական բեղմնավոր գործունեություն:

Ռ. Մ. ՄԱՐՏԻՐՈՍՅԱՆ

ՀՀ ԳԱԱ նախագահ, ակադեմիկոս

Վ. Բ. ԲԱՐԻՈՒԴԱՐՅԱՆ

ՀՀ ԳԱԱ Հայագիտության և հասարակական

գիտությունների բաժանմունքի

ակադեմիկոս-քարտուղար

Նշվեց ՀՀ ԳԱԱ ռադիոֆիզիկայի և էլեկտրոնիկայի ինստիտուտի 50-ամյա հոբելյանը

ՀՀ ԳԱԱ ռադիոֆիզիկայի և էլեկտրոնիկայի ինստիտուտը իր գոյության 50 տարիների ընթացքում կարողացել է այնպես աշխատել, որ վստահաբար ասենք՝ այս ոլորտն իր զարգացածությամբ միջազգային ինստիտուտներից հետ չէր մնում: Ինստիտուտի աշխատանքները ամփոփվեց հիմնադրման 50-ամյակին նվիրված հանդիսավոր նիստի ժամանակ:

Նիստին ներկա էր ՀՀ կրթության և գիտության նախարար Արմեն Աշոտյանը, ով պատվոգրեր հանձնեց ինստիտուտի առաջատար գիտնականներին:

Նիստի ժամանակ հյուրերը մտովի տեղափոխվեցին 1980-ական թվականներ՝ ռադիոֆիզիկայի ինստիտուտի աստղային տարիներ, երբ ինստիտուտի հետազոտությունները Խորհրդային Միությունում մեծ հռչակ էին վայելում:

- Ցավոք, դրան հաջորդեց անկման ժամանակաշրջանը՝ 1990-ական թթ.: Այդ տարիներին անձնակազմի և նյութատեխնիկական բազայի ոլորտում զգալի կորուստներ ունեցանք, - ասաց ՀՀ ԳԱԱ նախագահ, 1980-2006 թթ. ռադիոֆիզիկայի և էլեկտրոնիկայի ինստիտուտի տնօրեն Ռադիկ Մարտիրոսյանը՝ ընդգծելով իր հպարտությունը, որ այդ կառույցի մասնագետների 50 տարիների ընթացքում կատարած հայտնագործությունները փորձում են կիրառել այլ ոլորտներում, մասնավորապես՝ բժշկության մեջ:

ՀՀ ԳԱԱ ռադիոֆիզիկայի և էլեկտրոնիկայի ինստիտուտը հիմնադրվել է 1960 թ. Բյուրականի աստղադիտարանի ռադիոաստղագիտության բաժնի հիման վրա՝ ակադեմիկոս Վիկտոր Համբարձումյանի նախաձեռնությամբ:

Ինստիտուտում կարևոր ուսումնասիրություններ են կատարվել քվանտային ռադիոֆիզիկայի ուղղությամբ: Ուսումնասիրվել են ակտիվ նյութեր քվանտային ուժեղաբարների համար: Միլիմետրային ալիքի երկարության վրա գնդվոտի արհեստական բյուրեղների առաջարկվել են որպես ակտիվ նյութ: 1,35 սմ ալիքի երկարության վրա ստեղծվել է քվանտային լայնաշերտ ուժեղացուցիչ, որը կիրառվել է ռադիոաստղագիտական դիտումներում: Հայտնաբերվել և ուսումնասիրվել է միլիմետրային ալիքների գեներացիան և հաճախության փոխակերպումը բարձրաստիճան գերհաղորդչային ձողեֆոնային կառուցվածքներում: Մշակվել և ստեղծվել են ԳԲՀ ռադիոնետեր, որոնք մեծ հաջողությամբ կիրառվել են «Միր» տիեզերական կայանի և «Օկեան-Օ» ու «Պրիբոր» ծրագրերով աշխատող արբանյակի վրա Երկրի և մթնոլորտի հեռադիտման համար: Ստեղծվել է անկյան ճշգրիտ փոխակերպչների մի շարք, որոնք օգտագործվել են «Միր» արբանյակային կայանում և ինքնաթիռներում սարքերի տարածային կողմնորոշման համար: Մշակվել են ավտոմատ համակարգեր՝ փակ տարածքների պահ-

պանման համար: Մշակվել է միլիմետրային տիրույթի հաղորդիչ-ընդունիչ համակարգ՝ փակ տարածքային ներքին կապի, ինչպես նաև լույս ինտերմետ-կապի համար: Ստեղծվել է «Արցախ» բժշկական սարքավորումը՝ ակտույունկտուրային մեթոդներով միլիմետրային ալիքների ազդեցությամբ որոշ հիվանդությունների բուժման համար: Ուսումնասիրվել է լույսի ազդեցությունը ավմաստի բյուրեղների պլաստիկության վրա: Հետազոտվել է ավմաստի փոշուց պատրաստված տակդիրներով բարձր հաճախության տրանզիստորների մշակման հնարավորությունը: Ստեղծվել է ժամանակից կախված Գինգբուրգ-Լանդաու հավասարումների տեսությունը: Հայտնաբերվել և ֆիզիկորեն բացատրվել է ֆոտոզգայնության բնութագրի նշանի փոփոխությունը կիսահաղորդիչներում: Աճեցվել և ուսումնասիրվել են Pb_{1-x}Sn_xTe առանձին բյուրեղներ, որոնք կարող են օգտագործվել որպես ինֆրակարմիր և միլիմետրային տիրույթի ալիքների ղեկավարներ: Ստացվել են նոր օբյեկտային կերամիկական նյութեր, որոնց բարձր ջերմաէլեկտրական էֆեկտիվությունը հեռակարգեր է ստեղծում դրանց օգտագործմանը Պելտյեի սառեցուցիչներում:

Վերջին 10 տարիներին ռադիոֆիզիկայի և էլեկտրոնիկայի ինստիտուտում կատարվել են 5 աշխատանքներ ՀՀ ռազմաարդյունաբերության կարիքների համար, ինչպես նաև 7 պայմանագրային աշխատանքներ արտասահմանյան գիտաարդյունաբերական կենտրոնների պատվերներով՝ նոր ռադիոֆիզիկական սարքերի ստեղծման ուղղությամբ:

ՀՀ ԳԱԱ տեղեկատվական-վերլուծական կենտրոն

Հայկական քիմիական ընկերության 2-րդ գիտաժողովը՝ Նոր նյութեր և պրոցեսներ

Հոկտեմբերի 4-ից Հայաստանի գիտությունների ազգային ակադեմիայի նախագահությունում մեկնարկեց Հայկական քիմիական ընկերության 2-րդ գիտաժողովը՝ «Նոր նյութեր և պրոցեսներ» խորագրով: Գիտաժողովի ընթացքում քննարկվեցին հանրապետության համաքային հումքի, ինչպես նաև բնական ածխաջրածնային և նավթանյութերի հումքի հիման վրա նոր նյութերի և միացությունների ստեղծման վերաբերյալ գիտական հետազոտությունների արդյունքները: Քննարկվեցին արդյունաբերական նշանակության միացությունների ու նյութերի ստացման և արտադրական պրոցեսների արդյունավետ իրականացման նոր մոտեցումներ:

Գիտաժողովի աշխատանքներին մասնակցում էին հանրապետության քիմիական պրոֆիլի բոլոր գիտական, ուսումնական և արտադրական կազմակերպությունները՝ «Նաիրիտ գործարան» գիտահետազոտական կենտրոնը, նախկին «Պոլիմեր» ՀԳՀ՝ պոլիմերային նյութերի ինստիտուտը, «Պլաստպոլիմեր» գիտաարտադրական միավորումը, Վանաձորի քիմիական կոմբինատը, Վանաձորի պետական համալսարանը, Երևանի պետական համալսարանը, Հայաստանի պետական ճարտարագիտական համալսարանը, Գորիսի պետական համալսարանը, Արարատի ցեմենտի գործարանը և այլ կազմակերպություններ, ինչպես նաև Արցախի, Ռուսաստանի և Բելառուսի գիտնականները:


Բացելով գիտաժողովը ՀՀ ԳԱԱ պրեզիդենտ, ակադեմիկոս Ռադիկ Մարտիրոսյանը նշեց, որ «նյութերի և պրոցեսների» ուսումնասիրությունը Հայաստանում կարող է դառնալ տնտեսական զարգացման լուրջ հիմք: «Տարբեր ոլորտներում մեր գիտական հայտնագործությունները պատրաստ են ներդրման համար, բայց չկան այն փոքր ֆինանսական խթանները, որոնք անհրաժեշտ են դրանք գործարկելու համար», - ասաց ԳԱԱ նախագահը: Նրա խոսքով՝ «Քիմիական ընկերության» առաջնային խնդիրներից մեկը պետք է լինի գիտական տարբեր հաստատությունների և տնտեսվարողների միջև կապեր հաստատելը: Այս հանդիպումն արդեն առավել որոշակի է դարձնում տարբեր միջոցներով նոր նյութեր ստանալու անհրաժեշտությունը:

Գիտաժողովի կազմակերպիչի նախագահ, ԳԱԱ ակադեմիկոս Ա. Մանթաշյանը հույս հայտնեց, որ լուրջ մրցակցության արդյունքում ամենակենսունակ ծրագրերը կարժանանան ֆինանսավորման:



ՀՀ ԳԱՍ ԱՐՏԱՍԱՀՄԱՆՅԱՆ ԱՆԴԱՄՆԵՐԻ ՀԱՆՐԱԳԻՏԱՐԱՆ

Ներկայացնում է ՀՀ ԳԱՍ սփյուռքի բաժինը



Արշակ Հաճյան

Իսկ երիտասարդ Հաճյանը սովորելուն զուգահեռ աշխատում էր պողպատաձուլարանում: Կարիքից դրդված ապագա մեծանուն գիտնականը վճռեց զբաղվել մաթեմատիկայով, որն էլ բախտորոշ դարձավ նրա համար:

Արշակ Հաճյանը 1954թ. ավարտեց Չիկագոյի համալսարանի մաթեմատիկայի ֆակուլտետը, խորաճանաչ եղավ մասնագիտության մեջ, և 1957թ. էլի համալսարանում պաշտպանեց դոկտորական ատենախոսությունը:

Հատկանշական է, որ 1950-ականների վերջին և 60-ականների սկզբներին Միացյալ Նահանգներում սկսեցին մեծ ուշադրություն դարձնել մաթեմատիկայի զարգացմանը, ինչն էլ համընկավ Հաճյանի ուսանելու տարիների հետ:

Դոկտորականը պաշտպանելուց հետո ամերիկյան մի շարք բարձրակարգ համալսարաններ (Ռոչեստեր, Ելը, Քոննեկտիկուտ) հրավիրեցին Արշակ Հաճյանին իրենց մոտ դասավանդելու:

Պրոֆեսոր Հաճյանի գիտական հետաքրքրությունների շրջանակը ընդգրկում է ֆունկցիոնալ անալիզի, հավանականությունների տեսության, վիճակագրական ֆիզիկայի և թվերի տեսության բնագավառները:

1960-ական թթ. նա հրավիրվեց Բոստոնի Նոթիստերն համալսարան՝ հիմք դնելու մաթեմատիկայի հետազոտությունների բաժնին:

1964թ. Ս.Կակուտանիի հետ համատեղ աշխատանքում ներմուծեց «թույլ մոլորվող բազմությունների» (weakly wandering sets) հիմնարար գաղափարը, որը հնարավորություն տվեց լուծելու վերջավոր կամ վերջավոր չափին համարժեք՝ տրված չափելի արտապատկերման նկատմամբ ինվարիանտ չափի գոյության դասական խնդիրը: Ա. Հաճյանն ապացուցեց, որ ցանկացած արտապատկերում թույլ է տալիս համարժեք ինվարիանտ չափի ներմուծում այն, և միայն այն դեպքում, երբ գոյություն ունի դրական չափի «թույլ մոլորվող բազմություն»:

Շարունակելով հետազոտությունները նշված բնագավառում Ա. Հաճյանն առաջինն էր, որ դիտարկեց «ինվարիանտ չափերի ներմուծման խնդիրը» անվերջ չափ ունեցող տարածությունների համար: Մեծանուն գիտնականին առաջին անգամ հաջողվեց երգողիկ տեսությունը կիրառել թվերի տեսության մեջ, որը մեծ հետաքրքրություն առաջացրեց մաթեմատիկոսների շրջանում: Այսօր Հաճյանն աշխարհում ճանաչված մասնագետ է երգողիկ տեսության բնագավառում, որը մաթեմատիկայի կարևոր դասական ուղղություններից մեկն է: Նա հեղինակ է բազմաթիվ գիտական հոդվածների՝ տպագրված ԱՄՆ-ի, Ճապոնիայի և Իսրայելի առաջնակարգ գիտական ամսագրերում: Ընդ որում, դրանց մի մասը կատարվել են հռչակավոր մաթեմատիկոսներ Ս.Կակուտանիի և Յու. Իտոյի հետ համատեղ: Այժմ նա ԱՄՆ-ի խոշորագույն կենտրոններից մեկի՝ Նորթիսթերն համալսարանի պրոֆեսոր է:

Օտար հողում արարելուն զուգընթաց Հաճյանը երբեք չի մոռացել իր պատմական հայրենիքի մասին և իր ճշմարիտ ավանդները և ունեցել հայկական մաթեմատիկայի զարգացման մեջ: Վերջին 30 տարիների ընթացքում նա սերտ կապեր է պահպանում Հայաստանի մաթեմատիկոսների հետ, դասախոսություններով հանդես գալիս Երևանի պետական համալսարանում և ՀՀ ԳԱՍ մաթեմատիկայի ինստիտուտում: Մի հանգամանք, որ մեծապես նպաստել է երիտասարդ մատենատիկոսների գիտական հետաքրքրությունների ընդլայնմանը: Հայաստանում մաթեմատիկայի պահպանման և զարգացման համար էական նշանակություն ունեցավ Հաճյանի նախաձեռնությունը և վճռական օժանդակությամբ ստեղծված «Հիմնարար մաթեմատիկա» հիմնադրամը: Հայաստանում, որն արդեն բազում տարիներ նպաստում է շնորհալի երիտասարդ հայ մաթեմատիկոսների նյութական խրախուսմանը, Հայկական մաթեմատիկական միության գործունեությանը, Հայաստանում միջազգային մաթեմատիկական գիտաժողովների, սեմինարների, հոբբի-կան միջոցառումների կազմակերպմանը, գիտական հետազոտությունների նյութատեխնիկական բազայի ապահովման, հրատարակման և այլ հարցերում:

Արշակ Հաճյանն ունի 3 զավակ, որոնցից երկուսը՝ Արսեն և Արամ Հաճյանները, շարունակում են իրենց հոր ընտրած ուղին: Ավագ որդին՝ Արսենը, դասավանդում է Վոթերլու համալսարանում, միաժամանակ հետազոտություններ իրականացնում աստղաֆիզիկայի ոլորտում: Նա պաշտպանել է դոկտորական ատենախոսությունը ՀՀ ԳԱՍ արտասահմանյան անդամ երկրի թերթային ղեկավարությամբ: Կրտսեր որդին՝ Արամը, ավարտելով Ստանֆորդը և Հարվարդը, մասնագիտացել է բիոմեխանիկայի ոլորտում: Պաշտպանելով դոկտորական ատենախոսությունը, Արամ Հաճյանը արդեն 10 տարուց ավելի է աշխատում է Հայաստանում: Այսօր նա Հայաստանում ամերիկյան համալսարանի ինժեներիայի բաժնի ղեկավարն է:

Հաշվի առնելով Հաճյանի գիտական մեծ նվաճումները, ինչպես նաև Հայաստանի գիտական մտքի զարգացման գործում ունեցած մեծ ներդրումները, ՀՀ գիտությունների ազգային ակադեմիան Արշակ Հաճյանին ընտրեց ՀՀ ԳԱՍ արտասահմանյան անդամ:

Գոհար ԻՍԿԱՆԴԱՐՅԱՆ
պ.գ.թ. դոցենտ, ՀՀ ԳԱՍ սփյուռքի բաժնի գիտաբարոյաբան

ՄՈՒՄԻԱ-750

➤ 1 գործն ու մանրանկարիչը հավասարաչափ արտահայտվել են այս կոթողներում՝ սլացիկ սալ, մանրամասն, ճկուն, չընդհատվող քանդակ, մարդաբանական ճշտության հասնող պատկերաքանդակ: Մոմիկի խաչքարերի էական նվաճումներից են ցացկեն կամ ածուր բլթակները, որոնք առկա են միայն Պոդոսի ու Դադիվանքի հայտնի խաչքարերում:

ՀՀ ԳԱՍ արվեստի ինստիտուտի առաջատար գիտաշխատող, ճարտարապետության դոկտոր, պրոֆեսոր Դավիթ Քերթնեջյանի ղեկնուցումը նվիրված էր Աղթամարի Ս.Խաչ տաճարի, Բուրբելաշենի և Նորավանքի հորինվածքների համեմատական քննությանը: Բանախոսը մեկնաբանեց հուշարձանների կառուցման շարժառիթները և վերլուծեց դրանց պատկերային համակարգերն ու հորինվածքային կառուցվածքը: «Երկու տաճարներն էլ, որոնք ստեղծագործական որոնումներ են, նոր երանգ ավելացրեցին հայկական ճարտարապետության և համաշխարհային միջնադարի հարստություններին: Քանդակային պատկերազրույթամբ Բուրբելաշենի դեպքում աղոթք է բարձրացված առ Աստված, իսկ Աղթամարի դեպքում փառաբանվում է Արծրունու թագավորության բարօրությունը՝ Աստծո բարեհաճությամբ»:

Ս.Մաշտոցի անվան Մատենադարանի գիտաշխատող, արվեստագիտության թեկնածու Լիլիթ Ջաբարյանը ներկայացրեց Մոմիկի մանրանկարչական ժառանգությունը՝ պահպանված մաշտոցյան Մատենադարանի երկու ձեռագրերում:

Նստաշրջանի առաջին նիստը եզրափակեց Ս.Մաշտոցի անվան Մատենադարանի Հայ արվեստի պատմության և գրչության կենտրոնների ուսումնասիրության բաժնի վարիչ, պատմական գիտությունների դոկտոր Կարեն Մաթևոսյանի հաղորդումը Մոմիկին նվիրված հոբբի-կան միջոցառումների շրջանակներում օրերս հրատարակված՝ իր իսկ հեղինակած «Մոմիկ» գրքի (հայերեն, անգլերեն) և «Մոմիկ մանրանկարիչ (13-14-րդ դդ.)» ալբոմ-ուսումնասիրության (կազմողներ՝ Կարեն Մաթևոսյան, Լիլիթ Ջաբարյան, խմբագիր՝ Հրաչյա Թամրազյան) մասին:

Նստաշրջանի երկրորդ նիստն սկսվեց ՀՀ ԳԱՍ արվեստի ինստիտուտի ավագ գիտաշխատող, Ռուսական արվեստի թանգարանի (Արա Աբրահամյանի հավաքածու) տնօրեն, ճարտարապետության թեկնածու Անուշ Տեր-Մինասյանի «Արվեստների համադրումը (սինթեզը) Մոմիկի ստեղծագործություններում» բանախոսությամբ: Ձեկնուցողի տեսակետի համաձայն՝ «Տարբեր արվեստներին լիակատար տիրապետող Մոմիկին հաջողվել է օրգանապես միավորել դրանք մեկ գեղարվեստական բարձրարվեստ ստեղծագործության մեջ՝ որ ասպարեզին էլ այն պատկաներ: Դրա շնորհիվ նրա գործերը, բազմակողմանի ընկալվելով, մարդու վրա թողնում են ամբողջական էմոցիոնալ ներգործություն»:

ՀՀ ԳԱՍ արվեստի ինստիտուտի ավագ գիտաշխատող, արվեստագիտության թեկնածու Սեյրանուշ Մանուկյանի «Անվանաթերթերը Մոմիկի ծաղկած ձեռագրերում» զեկնուցումը նվիրված էր Մոմիկի՝ Ս.Մաշտոցի անվան Մատենադարանում պահվող երկու՝ 1292թ. և 1302թ. Ավետարանների անվանաթերթերին, «որոնք իրենց հորինվածքով, զարդանուրբներով, զարդատառերով և լուսանցազարդերով արտացոլում են Չափավոր դարից մանրանկարչության զարգացման վաղ և միջին փուլերը՝ կապված համապատասխանաբար Մեծ Հայքի և Կիլիկիայի ու բյուզանդական ավանդույթների ներթափանցման հետ»:



ՀՀ ԳԱՍ արվեստի ինստիտուտի ավագ գիտաշխատող, արվեստագիտության թեկնածու Ջեփյուռ Թառայանն անդրադարձավ Հայր Աստծո կերպարին Նորավանքում:

ԵՊՀ դասախոս, արվեստագիտության թեկնածու Ջեփյուռ Թառայանն անդրադարձավ Հայր Աստծո կերպարին Նորավանքում:

յան թեկնածու Ջարուհի Հակոբյանի զեկնուցումը նվիրված էր 13-րդ դարի երկրորդ կեսին և 14-րդ դարի առաջին կեսին վայրցծորյան քանդակի բյուզանդական պատկերազարդական անդրադարձներին:

Եզրափակիչ խոսքում Արարատ Աղասյանը կարևորեց գիտաժողովի զեկուցումների ժողովածուի լույս ընծայումը, ինչը հասու կլինի լայն հանրությանը, կընդլայնի մեր պատկերացումները Մոմիկի արվեստի մասին, կնպաստի Մոմիկի արվեստի ճանաչմանը և տարածմանը:

ԱՆՆԱ ԱՍՄՏՐՅԱՆ
ՀՀ ԳԱՍ արվեստի ինստիտուտի տնօրենի տեղակալ, արվեստագիտության դոկտոր

ՀՀ ԳԱԱ տեղեկատվական-վերլուծական կենտրոն



«Հայաստանի և Ադվանքի թագավորությունները և Բյուզանդական կայսրությունը ժ դարում»

Ֆրանսիական գիտական հետազոտությունների Ազգային կենտրոնի (CNRS) հետ համագործակցությամբ իրականացված հետազոտությունները 2009 թ. հունվարին կնքեց պայմանագիր, որի շրջանակում հայտարարվեց մրցույթ, և մի խումբ (թվով չորս) հայազգի բյուզանդագետներ (արևելագիտության ինստիտուտ, Մաշտոցի անվ. Մատենադարան, Պատմության ճեմարան) դրամաշնորհ ստացան «Բյուզանդական մշակույթի հետազոտությունները վաղ միջնադարյան Հայաստանում» հետազոտական թեմայի կարարման համար: Այդ թեմայի իրականացման արարատահմանյան գործընկերներն է Ֆրանսիայի բյուզանդագիտական Նշանավոր կենտրոններից մեկը՝ «Արևելք և Միջերկրյա լաբորատորիան»: Հիշյալ թեմայի ղեկավարներն են Փարիզի գիտական հետազոտությունների գործնական դպրոցի (PEHE) ամբիոնի վարիչ Կոնստանտին Ֆուկերմանը և ՀՀ ԳԱԱ արևելագիտության ինստիտուտի թեմայի ղեկավար Ազատ Բոգոյանը: Ծրագիրն իրականացնելու համար Փարիզում և Երևանում ստեղծվեցին թեման հետազոտող երկու խմբեր, որոնց ինն անդամներից յուրաքանչյուրն ընկրեց իր ուսումնասիրության նյութը և ձեռնամուխ եղավ դրա կարարմանը: Թեմայի հիմնական նպատակն է վաղ միջնադարի բյուզանդական և հայկական պատմագրական, կանոնական, սրբախոսական սկզբնաղբյուրների նորովի քննությունը, հայ-բյուզանդական կոնտակտային աշխարհի մասին տեղեկությունների հետազոտումը:

Այս հիմքի վրա թեմայի անդամների գիտական ծրագրի առաջին տարվա արդյունքներն ի մի բերելու նպատակով երևանում կազմակերպվեց «Հայաստանի և Ադվանքի թագավորությունները և Բյուզանդական կայսրությունը ժ դարում» գիտաժողովը: Մեր առաջարկով, որը հավանության արժանացավ ՀՀ գիտության պետական կոմիտեի և Ֆրանսիայի գիտական հետազոտությունների ազգային կենտրոնի կողմից, մասնակից հետազոտողների շրջանակն ընդլայնվեց. ներգրավվեցին մի շարք այլ հետազոտողներ Ֆրանսիայից, Գերմանիայից, Ռուսաստանից և Հայաստանից: Գիտաժողովի նյութ ընտրվեց 10-րդ դարը՝ առաջին հերթին այն պատճառով, որ երկու խմբերի անդամ գիտնականների մեծ մասի հետազոտության նյութը հենց այդ դարի սկզբնաղբյուրներն էին: Կարևորվում էր նաև այն համագամանքը, որ այդ դարաշրջանում հսկայածավալ քաղաքական տեղաշարժեր են արձանագրված Այսրկովկասում. Բագրատունիները արաբական խալիֆայությունից անկախանալով փորձում են ստեղծել սեփական տերությունը, իսկ Բյուզանդական կայսրությունը վերստին փորձում է սեփական տիրապետությունը վերահաստատել երկրամասում: Ժ դարի սկզբում Հայոց թագավորությունը, հետևելով Կովկասում եկեղեցու նվիրապետական աստիճանակարգին, իր հովանու տակ է վերցնում ողջ Այսրկովկասը՝ դաշնակցելով Բյուզանդական կայսրության և Արաբական խալիֆայության քաղաքական շրջանակների հետ: Ճիշտ է, նույն դարի վերջում և ժԱ դարի կեսերին Հայաստանը հետզհետե կորցրեց նվաճված ձեռքբերումները, այնուամենայնիվ Բյուզանդական կայսրության և Հայոց

Բագրատունյաց պետության հակամարտության մթնոլորտում ձևավորվեց քաղաքական նոր իրավիճակ, որից ժԱ դարի կեսերին օգտվեցին սելջուկ թյուրքերը: Այդ դարաշրջանում վերելք է արձանագրված բյուզանդական և հայկական պետական կյանքի եւ մշակույթի գրեթե բոլոր բնագավառներում: Ժամանակի սկզբնաղբյուրներից գիտաժողովի մասնակիցները կարևորեցին Հայոց կաթողիկոսներ Անանիա Մոկացու, Մաշտոց եղիվարդեցու և Հովհաննես Դրասխանակերտցու թղթերը, որոնք Կոնստանդին Ծիրանածնի, Թեոդոր Դափնոպատեսի, Մովսես Դասխուրանցու, Ուխտանեսի, Թովմա Արծրունու և այլոց մատենագրական երկերի հետ միասին ամբողջացնում են դարաշրջանի քաղաքական տեղաշարժերի պատմությունը: Գիտաժողովի ընդգծվեց, որ այդ դարաշրջանում կարևոր սրբագրումներ են կատարվել ողջ Կովկասի մշակույթային կյանքում: Պատմամշակութային այս խնդիրների բազմաթիվ տեսանկյունների քննարկմանն էլ նվիրված էր մեր գիտաժողովը, որի նպատակն էր ի մի բերել գիտության ձեռքբերումները հայ-բյուզանդական հետազոտությունների այս բնագավառում: Գիտաժողովի նպատակներից էր նաև համախմբել ՀՀ ԳԱԱ գիտությունների ակադեմիայի հասարակագիտական ինստիտուտների, Մատենադարանի, ԵՊՀ-ի, Մայր Աթոռ Սուրբ Էջմիածնի Գևորգյան ճեմարանի ներուժը գիտահետազոտական աշխատանքների այս բնագավառում: Գիտաժողովի աշխատանքներին մասնակցելու համար հրավիրվեցին բյուզանդագետների համաշխարհային ասոցիացիայի նախագահ Պետեր Շոայները, ֆրանսիական մի քանի միջնադարագիտական ինստիտուտ-

ների հիմքի վրա վերջերս ստեղծված՝ Փարիզի Արևելք, Միջերկրական ծով և Բյուզանդական կայսրություն լաբորատորիայի տնօրեն Ժան-Կլոդ Շենեն: Հրավիրվածների մեջ էին նաև ՀՀ ԳԱԱ արտասահմանյան և Ֆրանսիայի ակադեմիայի ինստիտուտի անդամ Ժան-Պիեռ Մահեն, ՀՀ ԳԱԱ արտասահմանյան անդամ, Մոնպելիեի համալսարանի պրոֆեսոր Ժերար Դեդեյան, Փարիզ-Նանտեր համալսարանի իրավունքի պատմության ամբիոնի վարիչ, պրոֆեսոր Արամ Մարտիրոսյանը և ուրիշներ:

Գիտաժողովը նվիրվեց մեր ժամանակների տաղանդավոր գիտնականներից մեկի՝ Կարեն Յուզբաշյանի պայծառ հիշատակին: Մեծ է նրա վաստակը Բագրատունյաց դարաշրջանի հայ-բյուզանդական փոխհարաբերությունների հետազոտության բնագավառում: Նրա ղեկավարությամբ գիտական հետազոտության ասպարեզում մեծ հաջողությունների են հասել այս գիտաժողովում զեկուցողներից շատերը: Նիստերից մեկում ընդգծվեց նրա վաստակը հայագիտության և բյուզանդագիտության ասպարեզում (Պ. Մուրայան): Կոնֆերանսի զաղափարը ջերմորեն ողջունեցին Սանկտ Պետերբուրգի բյուզանդագիտական ասոցիացիայի անդամները ՌՖ ԳԱ թղթակից անդամ Ի.Պ.Մեդվեդևի կողմից գրված նամակով:


Դարաշրջանի քաղաքական պատմությանն էին նվիրված «Արցախից Կիլիկիա. Օշին իշխանը՝ Հեթումյան տան ակունքները» (Ժ. Դեդեյան), «Հայոց Արևելից կողմանց և Ադվանքի իշխանատոհմները» (Ա. Հակոբյան), «Հայերը Ժ դարի բյուզանդական բանակում» (Ժ.-Կ. Շենեն), «Ադվանքից և Վրաց թագավորությունների վերականգնման հարցի շուրջ» (Ա.Եղիազարյան), «Ադուանք և Ալեքսանդր անվանումների շուրջ» (Բ. Հարությունյան) զեկուցումները: Մասնակիցների կողմից քննարկման նյութ դարձան նաև եկեղեցու պատմության խնդիրները. «Հայոց եկեղեցու նվիրապետական կառուցվածքը ժ դարի Կովկասում» (Ա. Բոգոյան), «Վիճաբանություններ սուրբ հաղորդության շուրջ» (Բ. Կազո), «Վաչագան Բարեպաշտը և մասունքների պաշտամունքը» (Ժ.-Պ. Մահեն), «Ադվանքից Հայաստան. Վաչագանի կանոնների ճակատագիրը» (Ա. Մարտիրոսյան), «Հայադվանքի կաթողիկոսությունը ժ դարի երկրորդ կեսին» (Մ. Բալայան), «Համա Արևելքի. բարենորոգման մի փորձ և ծիսական բարենորոգչության ձգտում Ադվանքից եկեղեցում» (Խ. Շահեն արզ. Անանյան),

«Քաղկեդոնականությունը Ադվանքում. Զ-Ժ դարեր» (Պ. Չոբանյան): Զեկուցումների նշանակալի մասն էլ վերաբերում էին սկզբնաղբյուրների օգտագործման բանասիրական խնդիրներին. «Դիոնիսիոս Արեոպագոսի և Գրիգոր Նարեկացի» (Հ. Թամրազյան), «Թեոդորոս Դափնոպատեսի առ ամիրայն եգիպտոսի թղթի հասցեատերը» (Կ. Յուկերման), «Փոտ պատրիարքի ժառանգության ճակատագիրը հայերի հետ աստվածաբանական բանավեճերում ժ դարի առաջին կեսին. Արեթաս Կեսարացի և Նիկողայոս Միստիկոս» (Պ. Աֆինոգենով), «Գրիգոր Մագիստրոսը և հույն մատենագրությունը» (Գ.Մուրայան), «Դիոնիսիոս Աղեքսանդրացու առ Մերուժան եպիսկոպոս թուրքը» (Օ. Վարդապարյան), «Լեզվական իրողություններ Մովսես Դասխուրանցու Աղուանից պատմության մեջ» (Ա. Ուզունեան), «Աստվածածինը Գրիգոր Նարեկացու Մատեն Ողբերգության պոեմում» (Ա. Մաթևոսյան), «Անանիա Մոկացու գրվածքները. անվավեր բնագրեր» (Պ. Բուատոն-Շնորոքյան), «Կենարար Խաչի վերադարձի պատմությունը ըստ հայկական սկզբնաղբյուրների և նրա արտացոլումը միջնադարյան քանդակում» (Զ. Հակոբյան): Քննարկումներ տեղի ունեցան հիշատակված հարցերի շրջանակներում. դրանց մեջ կարևոր էին ադվանքեն «Ճաշոցի» վերջերս հրապարակված բնագրի շուրջ ծավալված երկխոսությունը, ժ դարի Կովկասում Հայոց եկեղեցու խաղացած դերի գնահատականը: Որոշվեց, որ գիտաժողովի նյութերը, հիմք ունենալով Անանիա Մոկացու, Հակոբ Մագիստրոսի, Մաշտոց եղիվարդեցու, Արամի թղթերի գիտական բնագրերը և դրանց ֆրանսերեն թարգմանությունները, կիրառարակվեն ՀՀ ԳԱԱ արևելագիտության ինստիտուտի և Փարիզի Արևելք ու Միջերկրական ծով լաբորատորիայի համատեղ գրիֆներով, իսկ ժողովածուն կներկայացվի 2011 թ. Բյուզանդագետների միջազգային կոնգրեսին:

Գիտաժողովը մասնակիցների համար ունեցավ նաև ճանաչողական նշանակություն: Ծրագրված քառօրյա գիտարշավը դեպի Հայաստանի և Արցախի պատմական հուշարձաններ, որի ընթացքում մասնակիցները փորձեցին գրավոր սկզբնաղբյուրների վկայությունները հարաբերել միջնադարից մեզ հասած նյութական մշակույթի նմուշների հետ: Սեպտեմբերի 24-ին կազմակերպվեց երեք դասժամ սեմինար-կլոր սեղանի անցկացում Արցախի պետ.համալսարանի հայագետ ուսանողների և դասախոսական կազմի հետ, ինչպես նաև այցելություններ Վաղարշապատ, Բջնի, Սևան, Խոր Վիրապ, Գանձասար, Շուշի, Տիգրանակերտ, Ծիծեռնավանք և Նորավանք:

Ծրագրի համադեկավար-համակարգող՝
պ.գ.դ. Ազատ ԲՈՁՈՅԱՆ

Սուրբ Թարգմանչաց տոնին 9 ձեռագիր նվիրաբերվեց Մատենադարանին



րերի հիմնական մասը երաժշտական են, բացառությամբ 25-եանոց մի ձեռագրի, որն առնչվում է 1600-ականներին Լեհաստանից ծայր առած հայերի արտագաղթին»,- ասաց Բայրամյանը:

Մատենադարանին միանգամից ինը ձեռագիր նվիրաբերվել այն հազվագյուտ իրողություններից է, որ տվորական օրը վերածում է տոնի. «Մատենադարանի գլխավոր գործա-

նությունը նոր ձեռագրեր ձեռք բերելն է, դրանք պահպանվել ու գիտական շրջանառության մեջ դնելը: Ձեռագրերի հոսքը Մատենադարան ավելացել է. այս տարի արդեն ձեռք ենք բերել 80 ձեռագիր և առաջիկա ամիսներին սպասում ենք նոր նվիրատվությունների»,- ասաց Մատենադարանի տնօրեն Հրաչյա Թամրազյանը:

Սուրբ Բայրամյանը մասնագիտությամբ ատամնաբույժ է, սակայն հայ գրի և գրականության ու նաև մամուլի հանդեպ սերը նրան ստիպել է հիմնական աշխատանքից զատ զբաղվել դրանցով ու դառնալ «Յուսաբեր» օրաթերթի խմբագիրը, եգիպտահայ զաղութում ծավալել մշակութային բարեսիրական գործունեություն, 1975-ից ի վեր լինել Կահիրեի թեմական ազգային խորհրդի անդամ իբրև ատենադպիր:

«Պիտի ջանամ գիրքս ավարտել երկու տարի հետո, որպեսզի հայկական տպագրության հիմնադրման 500-ամյակին իմ ներդրումը բերեմ հայ մշակույթին»,- ասաց Բայրամյանը:

Մատենադարանին նվիրաբերած մեծաթիվ ձեռագրերի և եգիպտահայ մամուլի բնագավառում ունեցած մեծ վաստակի համար եգիպտահայ մտավորականը Հրաչյա Թամրազյանից ստացավ «Սուրբ Մեսրոպ Մաշտոց» հուշամեդալը՝ խոստանալով, որ մոտ ապագայում իր կողմից կլինեն նոր նվիրատվություններ:

Սուրբ Մեսրոպ Մաշտոցի և Սահակ Պարթևի ձեռքով գրված Ավետարաններից ընդօրինակված ձեռագրերը տարին բոլոր ցուցադրվում են Մաշտոցի անվան Մատենադարանի գլխավոր ցուցասրահում և միայն Սուրբ Թարգմանչաց տոնին են տեղափոխվում երկրորդ ցուցասրահ ու դրվում կողք կողքի՝ իբրև հայ թարգմանական արվեստի փառահեղ վկայություններ:

Տոնն այս տարի առիթ դարձավ նույն սրահում ցուցադրելու նաև Ամստերդամում 1660 թվականից ի վեր տպագրված հայերեն հնատիպ գրքերից քսանը՝ Աստվածաշունչը, Շարակնոցը, Գիրք սաղմոսացը, Մովսես Խորենացու «Ազգաբանութիւն տոհմին Յաբեթեան», Ներսես Շնորհալու «Յիսուս որդի» ստեղծագործությունները, Յոհան Շրյոդերի «Արամեան լեզուի գանձ» գրաբարի ձեռնարկը՝ լատիներենով, հայատառ առաջին քարտեզը՝ «Համատարած աշխարհացույցը» և այլն:

Ցուցահանդեսի բացմանը նախորդեց նշանակալի իրադարձություն. եգիպտահայ Սուրբ Բայրամյանը Մատենադարանին նվիրաբերեց 9 ձեռագիր, որոնցից մեկը բացառիկ է այն առումով, որ պարունակում է լեհահայոց համայնքի արտագաղթի վերաբերյալ կարևոր մանրամասներ:

«Ամեն անգամ հայրենիք այցելելիս ինձ հետ բերում եմ տարբեր տարիներին ձեռք բերած ձեռագրեր ու հնատիպ գրքեր՝ հանձնելու Մատենադարանին, Ազգային գրադարանին, Ազգային արխիվին, Ե. Չարենցի անվան գրականության և արվեստի թանգարանի գրադարանին: Մատենադարանին և արվեստի թանգարանի գրադարանին 50 տարիների ընթացքում Կահիրեից արտագաղթած հայ ընտանիքներից զնված հավաքածուից են: Այդ մասունքները ձեռք են բերում հնավաճառներից և ամեն այցիս ժամանակ որոշակի քանակությամբ բերում եմ Հայաստան: Այս անգամ բերած ձեռագ-

ՌՈՒԲԵՆ ԶԱՐՅԱՆ-100


2010 թ. հոկտեմբերի 21-ին ՀՀ ԳԱԱ նախագահության նիստերի դահլիճում տեղի ունեցավ ՀՀ ԳԱԱ արվեստի ինստիտուտի առաջին տնօրեն (1958-1987), ՀԽՍՀ արվեստի վաստակավոր գործիչ (1961), ՀԽՍՀ Պետական մրցանակի դափնեկիր (1981), ակադեմիկոս Ռուբեն Զարյանի ծննդյան 100-ամյակին նվիրված հոբելյանական նիստը, որը բացեց ՀՀ ԳԱԱ Հայագիտության և հասարակական գիտությունների բաժանմունքի ակադեմիկոս-քարտուղար Վլադիմիր Բարխուդարյանը:

Այնուհետև Ռ. Զարյանի մասին ծավալուն բանախոսությամբ հանդես եկավ ՀՀ ԳԱԱ արվեստի ինստիտուտի տնօրեն Արարատ Աղասյանը: Ռ. Զարյանի մասին հուշեր պատմեցին գրող, հրապարակախոս Պերճ Զեյրունցյանը, Հայաստանի գրողների միության



Օրդոյանը և Երևանի Կոմիտասի անվան պետական կոնսերվատորիայի երաժշտական ֆուլկորագիտության ամբիոնի վարիչ, արվեստագիտության թեկնածու Ալինա Փափկանյանը:

Հոբելյանական հանդիսությունների շարքը շարունակեց Ռ. Զարյանի ծննդյան 100-ամյակին նվիրված հոբելյանական երկօրյա (21-22 հոկտեմբերի) գիտաժողովը:



սկսած Ռ. Զարյանի և վերջինիս շուրջ համախմբված անվանի գիտնականներ Ալեքսանդր Սահինյանի, Ռուբեն Դրամբյանի, Արամ Քոչարյանի, Մաթևոս Մուրադյանի և ուրիշների ջանքերով դարձավ հայ արվեստագիտության գլխավոր կենտրոնը՝ առաջատարի ջանք իր ծեղին պահելով նրա պաշտոնավարման հետագա երեք և կես տասնամյակների ընթացքում: Այդ ընթացքում լույս տեսավ հայրենական արվեստի բոլոր ճյուղերը ներկայացնող արվեստագիտական գրականության պատկանելի գրադարան:

Անուրանալի է Ռ. Զարյանի ավանդը հայ արվեստին նվիրված միջազգային սիմպոզիումների կազմակերպման ու անցկացման գործում, ինչն արվեստի ինստիտուտի և Միլանի հայկական ճարտարապետության ուսումնասիրության հետազոտական կենտրոնի միջև համագործակցության կարևոր արդյունքներից էր: 1975-ին Իտալիայի Բերգամո քաղաքում հրավիրված առաջին սիմպոզիումին մասնակցեցին աշխարհի տարբեր երկրների շուրջ 60 ճանաչված գիտնականներ (պատվիրակության ղեկավարը հենց Զարյանն էր): Երկրորդ (1978) և չորրորդ (1985) սիմպոզիումները (Ռ. Զարյանը կազմակերպեց նախագահի տեղակալն էր) կայացան Երևանում, երրորդը (1981) և հինգերորդը (1988)՝ վերստին Իտալիայում: Դրանք զգալի ավանդ եղան ոչ միայն հայ ճարտարապետության, այլև հայկական արվեստի ուսումնասիրության բնագավառում: 1981-ին Ռ. Զարյանը ընտրվել է Զոմի «Տիբերինա» ակադեմիայի թղթակից անդամ:

1962-ին Ռ. Զարյանը Մոսկվայում պաշտպանել է դոկտորական ատենախոսությունը՝ նվիրված Պետրոս Աղայանի արվեստին, և ստացել արվեստագիտության դոկտորի գիտական աստիճան, մեկ տարի անց՝ 1963-ին, նրան շնորհվել է պրոֆեսորի գիտական կոչում:

1965-ից Ռ. Զարյանը ղեկավարել է արվեստագիտության դոկտորի և թեկնածուի, ինչպես նաև ճարտարապետության դոկտորի և թեկնածուի աստիճաններ շնորհող մասնագիտական խորհրդի աշխատանքները:

1966-ին Ռ. Զարյանը արվեստի ինստիտուտին առընթեր հիմնադրում է Հեքսպիրագիտության հայկական կենտրոնը, որի նպատակներն էին՝ ամբողջացնել Հեքսպիրյան երկերի հայերեն թարգմանությունները, նախապատրաստել ու հրատարակության հանձնել դրանց լիարժեք ժողովածուն: Պարբերաբար հրատարակվող «Հեքսպիրական» մատենաշարի էջերում լուսաբանվել են «Հեքսպիրը և հայ հասարակական միտքը», «Հեքսպիրյան թարգմանությունների պատմությունը», «Հեքսպիրյան պիեսների բեմական կյանքը հայ թատրոնում» և բազմաթիվ այլ բեմաներ: Կենտրոնին կից՝

նախագահ Լևոն Անանյանը, ՀՀ ԳԱԱ ակադեմիկոս Սեն Արևշատյանը, փիլիսոփայական գիտությունների դոկտոր, պրոֆեսոր Յակով Խաչիկյանը, Հալեպի «Պետրոս Աղայան» թատերախմբի ղեկավար Վահե Սամուելյանը, Երևանի թատրոնի և կինոյի պետական ինստիտուտի արվեստի պատմության և տեսության ամբիոնի վարիչ, արվեստագիտության դոկտոր, պրոֆեսոր Գրիգոր

րեն, գերմաներեն, ֆրանսերեն, իտալերեն, իսպաներեն:

Ընթերցողի առջև որպես իր ապրած ժամանակաշրջանի, մասնավորապես 20-րդ դարի երկրորդ կեսի, հայ արվեստի պատմության «յուրահատուկ համագիտարան» են հանուն Ռ. Զարյանի հուշագրությունը «Հուշապատմի» և «Մայրամուտից առաջ»-ի հատորները, որտեղ ուրվագծվում են հեղինակի հետ շփումներ ունեցած հայ արվեստի ներկայացուցիչների դիմանկարները:

Գիտական և գիտակազմակերպական ծանրակշիռ վաստակի համար Ռ. Զարյանը 1974-ին ընտրվել է ՀԽՍՀ ԳԱ թղթակից անդամ, իսկ 1986-ին՝ ՀԽՍՀ ԳԱ ակադեմիկոս:

Մեծ է Ռ. Զարյանի մանկավարժական գործունեության արժեքը: 1949-1990-ական թվականներին նա «Հայ թատրոնի պատմություն» առարկան է դասավանդել Երևանի գեղարվեստաթատերական ինստիտուտում, 1948-1958 թթ. ղեկավարել է Երևանի թատերական ինստիտուտի արվեստի պատմության և տեսության ամբիոնը:

Զարյանի գիտական, գիտակազմակերպական ու մանկավարժական աշխատանքը մշտապես ուղեկցվել է հասարակական ակտիվ գործունեությամբ: 1974-1981 թվականներին Ռ. Զարյանին է վստահվում ՀԽՍՀ Միջինստրոնների խորհրդի առընթեր գրականության, արվեստի, ճարտարապետության և քաղաքաշինության ասպարեզում պետական մրցանակների հանձնաժողովի նախագահի գործը: Նա ընտրվել է ՀԽՍՀ ԳԱ փիլիսոփայության և իրավունքի ինստիտուտի գիտական խորհրդի անդամ (1977-1987), Հայկական թատերական ընկերության (1942-ից), Հայկական թատերական ընկերության ընկերության վարչության (1952-ից), Հայկական թատերական ընկերության նախագահության (1964-ից), Հայաստանի թատերական գործիչների միության նախագահության (1987-ից), Գ. Սունդուկյանի անվան թատրոնի գեղարվեստական խորհրդի (1953-ից), Հայկական սովետական հանրագիտարանի խմբագրական կոլեգիայի (1970-1987), «Սովետական արվեստ» ամսագրի խմբագրական կոլեգիայի (1955-ից) անդամ:

Հայրենիքը բարձր է գնահատել Ռ. Զարյանի վաստակը: 1961-ին նրան շնորհվել է ՀԽՍՀ արվեստի վաստակավոր գործիչ պատվավոր կոչում, նա «Պատվո նշան» (1953) և «Ժողովուրդների բարեկամության» շքանշանների (1979, ծննդյան 70-ամյա հոբելյանի կապակցությամբ) ասպետ է, պարգևատրվել է Հայկական ԽՍՀ Գերագույն խորհրդի պատվոգրով (1969, 1989):

Ռուբեն Զարյանն իր մարդկային անդիմադրելի հմայքով գերում էր շրջապատին՝ վայելելով իրեն ճանաչողների անկեղծ համակրանքն ու խորին հարգանքը:

Արարատ ԱՂԱՍՅԱՆ

ՀՀ ԳԱԱ արվեստի ինստիտուտի տնօրեն

ԿՈՌՈՂԱՅԻՆ

ԳՈՐԾ

ԱՄՆ-ում վերահրապարակվել է «Հայաստանի պատմական բառարանը»

Լենինում (Մերիլենդ) տեղակայված «Ռոուլեն և Լիթլֆիլդ» հրատարակչական ընկերությունը վերջերս լույս է ընծայել դոկտ. Ռուբեն Պոլ Աղայանի հեղինակած «Հայաստանի պատմական բառարան» կոթողային աշխատանքի (750 էջ) երկրորդ, վերանայված և նոր տվյալներով հարստացած հրատարակությունը, որը ներառվել է «Եվրոպայի պատմական բառարանների» շարքում՝ որպես 77-րդ հատոր: Բառարանի առաջին հրատարակությունը, ըստ «Արմինյան միորո սփեքթեր» շաբաթաթերթի օգոստոսի 21-ի համարի, իրականացվել էր 2002-ին:

Այդ ժամանակ Ռոուլեն համալսարանից դոկտոր Ռոբերտ Յուսենը շնորհավորել էր դոկտ. Ռուբեն Աղայանին՝ «որոշակի սահմաններում այդքան շատ տեղեկություն տեղադրելու իր հսկայական ջանքերի համար»: «Հատորը հրաշալիորեն գրված եզակի մի ծեղնարկ է, որտեղ ամփոփված փաստերն ու տեղեկությունները ուրիշ ոչ մի տեղ միասին հնարավոր չէ գտնել», գրել էր նա: Իսկ Պոլսեյնդի պետական համալսարանից հանգուցյալ դոկտոր Լադիս Բրիստոֆը հավելել էր, որ «...հատորը ընդարձակ և արժանահավատ տեղեկություններ է պարունակում դարեր շարունակ պարսկական, օսմանյան և այլ տիրապետությունների տակ չարչարված, բայց վերջերս իր անկախությունը ձեռք բերած Հայաստանի Հանրապետության մասին, նրա հասարակական-պատմական և քաղաքական կյանքի ինչպես անցյալի, այնպես էլ ներկայի մասին: Հատորը մեծապես հաջողված աշխատություն է»:


Ավելացնենք, որ դոկտ. Աղայանը Կովկասի և Մերձավոր Արևելքի երկրների պատմության մասնագետ է: Դոկտորականը պաշտպանել է Լոս Անջելեսի Կալիֆոռնիա համալսարանում: Այլ վայրերի թվում նա դասավանդել է Վաշինգտոն համալսարանի միջազգային գործերի էլիթա ֆակուլտետում, Ջոն Դոփկինսի համալսարանի միջազգային բարձրագույն ուսումնասիրությունների բաժնում և Ջորջթաուն համալսարանի արտաքին քաղաքականության ֆակուլտետում: Նա նաև Հայ ազգային ինստիտուտի և Վաշինգտոնի Հայոց ցեղասպանության ապագա թանգարանի տնօրենն է: Նախկինում եղել է Ամերիկայի հայկական համագումարի ուսումնասիրությունների և վերլուծությունների բաժնի տնօրեն: 1993-ին ավարտել է մի ծրագիր, որով հարստացրել է Ամերիկայի պետական արխիվները հայերի ցեղասպանությունը վկայող փաստաթղթերով: Դրանք հիման վրա շեղվիկ-Ֆիլի ընկերությունը հրատարակել է միկրոչիպերի վրա 37 հազար էջ նյութ և 476 էջով մի հատոր-ուղեցույց ամերիկյան արխիվներում գտնվող Հայոց ցեղասպանության փաստաթղթերի վերաբերյալ: Նա նաև աջակցել է խմբագրմանը մրցանակի արժանացած «Ցեղասպանության հանրագիտարան» (1999 թ.) կոթողային հատորի:

(Սկիզբը՝ մայիսի 1-ի համարում)

Հրապարակում կանգնեց պետական ղեկավարությունը օրինականացած նոր ուղղափառությունը, որն արտաքին տալիսությունը հինգ հրաժարվել էր, ներքին բովանդակությամբ՝ մայրենի լեզվի փրկությունը: Հենց այս արտաքին տալիսությունն էր, որ ժամանակավորապես կաշկանդեց կենտրոնին՝ շարունակելու իր պարտադրանքը: Շեշտում ենք ժամանակավորապես արտահայտությունը, որովհետև ազգերի ծուլումը, ազգային լեզուների վերացումը ծրագրային պահանջ է եղել մինչև ԽՍՀՄ փլուզումը:

Հունենալով կոնկրետ փաստ ու վկայություն՝ այնուամենայնիվ մենք համոզված ենք, որ այդ դժոխական օրերին մեզ քաղաքական ճկունություն ու հեռատեսություն կարող էր ունենալ քաղաքական շիկացած մթնոլորտում կոփված, բարձր մտավորական հատկանիշների տեր, Լենինի հետ սերտ շփումներ ունեցած, նրա ծրագրերին տեղյակ, 1921 թ. հուլիսին Կոմբյուրոյի նիստում Ղարաբաղի հարցում իր խաբված լինելը գիտակցած Ալեքսանդր Մյասնիկյանը:

ՀԱՄԱԼԱՆՈՍԿՈՍԱԿԱՆ ՀԵՐԹԱԿԱՆ ԳՐՈՒՆԵՄՆԻ ԼԵԶՎԻ ՎՐԱ



նը: Մենք խորապես համոզված ենք, որ Մյասնիկյանի քաղաքական գաղտնի հանձնարարությունն է կատարել «ես իմ անուշ Հայաստանի» հեղինակ Ե. Չարենցը՝ գրելով այսպիսի տողեր.

Օ՛, մոռալիստ դպիրներ սև,
Դու, Շնորհալի, և դու Նարեկ,
Դուք, մագաղաթյա և հանճարեղ,
Դուք, գարիտներ, ինչպես Դարեհ,
Դուք, պատան մտքի, դուք անարև,
Որ սրտի համար դարձե՛ր, դարձե՛ր,
Կերտել եք դազող, պատույն քարե,
Եվ սգո համար դժնյա տառեր...

Գրված է կուպիտ անմիջականությամբ, գռեհիկ ժխտողականությամբ, որը պահի հրամայականն էր, լեզուն փրկելու գերագույն ծիզը, հայրենիքի համար զոհվելու պատրաստականությունը: Ո՛վ կարող է պնդել, թե Չարենցը կարող էր ներքին մղումով, անկեղծ համոզմունքով նման տողեր գրել: Նման իրավիճակների պարտադրանք չէ՝ բանաստեղծի խոսքը՝ «Ուրիշ ոտքեր կախաղանիս թող մոտ չգան»:

Եվ պատահական չէ ընտրությունը: Այս տողերի գրողը այդ օրերին Լենինին երկինք բարձրացնող հայոց բանաստեղծն է, որի խոսքը կարող է տալիսություն գործել: Բայց Լենինը անպատիժ չէր թողնի իր պարտադրանքի նման շրջանցումը: Ռեֆորմի հրապարակումից անմիջապես հետո՝ հենց մարտին, Մյասնիկյանին մեկուսացնում են Հայաստանից, «առաջ քաշում» Անդրերկրում, ապա ոչնչացնում օդում՝ մինչև վերջ էլ նրա անվանը կցած պահելով սպեցիֆիկ պիտակը, չհամարելով իրական բոլշևիկ:

Ահա այս ձևով փրկվեց հայոց լեզուն հերթական պատուհասից, որի երկրորդ «հրատարակությունը» տեղի ունեցավ 1935 թ.: Հերթական պարտադրանքը ռուսերենի այբուբենն ընդունելն էր, որը մտավ բոլոր հանրապետություններ, բացի Հայաստանից ու Վրաստանից: Այս անգամ

քաղաքական ճկունության կամ խորամանկության հարց չառաջացավ. մերժումը կատարվեց ռուսական «սուխոյ» ճանապարհով:

1935 թ. Ստալինը Խանջյանի միջոցով երեք պահանջ ներկայացրեց հայ մտավորականությանը: Առաջինը ռուսերենի այբուբենն ընդունելն էր: Երբ այդ պահանջը բարձրաձայնվեց մտավորականների հավաքում, Աճառյանը վեր կացավ սեղանի մոտից, շարժվեց դեպի պատուհանը՝ հայտարարելով. «Թողե՛ք ինձ այստեղից գցե՛մ, այնուհետև ինչ ուզում եք, որոշե՛ք»:

Անակնկալի եկած Խանջյանը Աճառյանին բերեց նստեցրեց սեղանի մոտ՝ հայտարարելով. «Հարցը լուծված է. այբուբեն չենք փոխի»:

Հատուցումը եղավ Խանջյանի սպանությունը Թիֆլիսում, իսկ Աճառյանն էլ ընկավ ՊԱԿ-ի զնդան, ստորագրեց ճապոնական լրտես լինելու մեղադրանքի տակ՝ պայմանով, որ իրեն թուրքական լրտեսի մեղադրանք չներկայացնեն:

Այսպիսին էր իրադարձությունների զարգացման պատմական ընթացքը, մանավանդ լեզվական քաղաքականության



ՀԱՄԱԼԱՆՈՍԿՈՍԱԿԱՆ ՀԵՐԹԱԿԱՆ ԳՐՈՒՆԵՄՆԻ ԼԵԶՎԻ ՎՐԱ

կցողը»:

Ինչպես տեսնում ենք, Կարոս բառում և-ն զբաղեցրել է ի հնչյունի տեղը, գոչիւն բառում՝ ու-ի տեղը, եւթն (յոթ) բառում՝ ո-ի տեղը, վաւաշ բառում՝ վ-ի տեղը: Վ-ն հանդես եկավ միանգամից չորս հնչյունի փոխարեն՝ չլինելով դրանցից և ոչ մեկը: Ուշագրավ է, որ յոթ բառը տառագրվել է հինգ ձևով՝ եւթն, եոթն, եւթն, իւթն, եւթ:

Այժմ տեսնենք՝ ինչպես ստեղծվեց այն: Հունաբան դպրոցի լեզվագետները, թարգմանելով Թրակացու քերականությունը, հունարեն լեզվի օրենքները մեխանիկորեն պարտադրեցին հայոց լեզվին՝ ստեղծելով մեր լեզվին խորթ ու օտար արհեստականությունների մի կատարյալ քաոս: Այդ արհեստականություններից էր նաև հունարենի և եվրոպական լեզուներին հատուկ երկբարբառների համակարգը, որը մեր լեզվի համար խորթ ու օտար է: Երկբարբառը լեզվական այն իրողությունն է, երբ տվյալ լեզվում երկու ծայնավոր իրար կողքի հանդես են գալիս մի սերտ միասնությամբ և, որպես այդպիսիք, անբաժանելի են, բառի մեջ դառնում են մեկ վանկ: Մինչդեռ մեր լեզվում երկու ծայնավոր իրար հետ հանդես գալ չեն կարող, անպայման նրանց արանքում հայտնվում է մի վ, յ ծայն, օտար բառերում նաև մի հ հնչյուն, ինչպես Աբրահամ-Աբրահամ, և ապահովում ծայնավորների լիարժեք արտասանությունը: Նույնիսկ անուրանալի երկբարբառ ունեցող օտար բառեր օգտագործելիս ծայնավորներից մեկը լեզուն փոխում է բաղաձայնի՝ հարմարեցնելով իր արտասանական համակարգին, ինչպես՝ եուրո-եվրո, Մարիամ-Մարյամ: Եվ ահա այս «միաբարբառ» լեզվի համար պետք է ստեղծեն երկբարբառների մի ճոխ համակարգ:

Եվ ստեղծեցին՝ շրջանառության մեջ դնելով ինչպե՛ս մեծակցություն ունեցող տառերի լծորդության գաղափարը, որի արդյունքում մի հնչյուն կարող է փոխվել մերձավոր հնչյուն ունեցող մի այլ հնչյունի: Բայց քանի որ երկբարբառ ստեղծելու համար անհրաժեշտ էր իրար կողքի գտնվող երկու ծայնավոր, որ չկար մեր լեզվում, կից ծայնավորների արանքում հաճախակի հանդես եկող վ և յ հնչյունները արհեստականորեն դարձրին ծայնավոր՝ նշանագրելով այլ տառերով: Յ տառը ե և ի ծայնավորով փոխարինելու հարցում նրանք ունեին «բռնելու» տեղ: Ի մախիի՝ ծայնավորով սկսվող բառերում փոխվում է յ (հ) ծայնի, ինչպես՝ ի դէպ, բայց յառաջ: Հետևապես ի և յ հնչյունները լծորդ են և փոխարինում են մեկը մյուսին: Այդ տրամաբանությամբ յու երկինջյունի յ-ն փոխարինվեց ի-ով. Յա երկինջյունը շեշտից զրկվելու դեպքում հնչյունափոխվում է պարզ է ծայնավորի, ինչպես՝ պատան-յակ-պատանեկիկ, մատյան-մատենագիր:

Հետևապես յ և ե տառերը ևս լծորդ են, փոխարինում են մեկը մյուսին: Ավելորդ է ասել, որ յա երկինջյունը եա դարձրին նաև բոլոր այն դեպքերում, երբ այն չէր հնչյունափոխվել, ինչպես՝ սենեակ, մատենան, դղեակ և այլն: Եվ այսպես յա և յու երկինջյունները դարձան «երկբարբառներ»: Բայց քանի որ այդ փոխափոխումները արհեստական էին ու չփոքեցնող, մատենագրության մեջ այդ երկու երկբարբառները հանդես էին գալիս զուգահեռ, բառերը տառագրում կրկնակի ուղղագրությամբ, ինչպես՝ գեղ-գիւղ, բեր-բիր, հարեր-հարիր և այլն:

Հայոց լեզվին երկբարբառ պատվաստելու հարցում ամենից արհեստական ու բռնազբոսիկը մաշտոցյան վ տառին ու-ի հնչյուն վերագրելն էր, որը դարձյալ պայմանավորված էր լծորդ կոչված հնչյունների փոխափոխմամբ: Հայտնի է, որ բառամիջի ու ծայնավորը շեշտից զրկվելու դեպքում փոխվում է ը-ի կամ սղվում, դուրս մնում, ինչպես՝ տուն-տընակ, շուն-շըներ, ուն-ընկալ, ծուր-սըրբի, կատու-կատվի, ուրու-ուրվական և այլն: Հետևապես ու-ն և վ-ն ևս լծորդ հնչյուններ են, որ կարող են փոխափոխվել: Միաժամանակ ու-ով վերջավորվող բառերը ծայնավորով սկսվող բառանա ընդունելու դեպքում, լեզվական մի այլ օրենքի համաձայն, ու-ն փոխում են վ ծայնի, որը հայոց լեզվի բացառությունն էր: ինչպես՝ առու-առվակ, ծու-ծվածեղ, կատու-կատվի, ուրու-ուրվական և այլն: Հետևապես ու-ն և վ-ն ևս լծորդ հնչյուններ են: Եվ ահա երկու լծորդությունների ու-եհո» բառի որոշակի դիրքերում իրար կողք ընկնելով, դառնում են մի թանձրացյալ ու, ինչպես՝ նըվեր-նուեր, թըվական-թուական, որը և սկիզբ է դառնում, որ բաղաձայնի հաջորդող վ-երը վերափոխվեն ու-ի, ինչպես՝ զինվոր-զինուոր, բանվոր-բանուոր, զգվեմ-զգուեմ և այլն: Բայց դրանով հարցը դեռ վերջնական լուծում չստացավ: Հունարենին հարազատ մնալու համար հարկավոր էր ունենալ մի էպիլոն (փոքր) (ս) տառ ևս, որին վերագրեցին ու-ի հնչական արժեք, բայց տառացիորեն ոչնչի հասնել չկարողացան, բացի գրության մեջ անպարփակ խառնագրություն մտցնելուց: Այդ արհեստական օրենքները պատճառ դարձան, որ 1500 տարի շարունակ միևնույն բառը գրվի երեք տարբեր ուղղագրությամբ, ինչպես՝ զինվոր-զինուոր-զինուոր, նվեր-նևեր-նուեր և այլն: Այս խառնագրության համապարփակ վիճակագրությունը ներկայացրել է Ս. Գյուլբուրդյանը «Հայերենի ուղղագրության պատմություն» աշխատության մեջ՝ սկսած 5-9-րդ դդ. հազվագյուտ վիճակում արձանագրություններից մինչև 16-րդ դար:

Եթե այդ արհեստական ուղղագրությունը շատ թե քիչ պահպանվել է հոգևոր գրականության մեջ, աշխարհիկ գրականության մեջ՝ դատաստանագիրք, բժշկարան, պատմագրություն, ինչպես նաև հիշատակարաններում ու վիճակում արձանագրություններում իշխողը եղել է վ-ի գրությունը: Այսպես 5-9-րդ դդ. պահպանված վիճակում արձանագրությունների 8 բառերից 6-ում գրված է վ՝ (տվանք, հրճվանք և չորս տեղ թվական), երկու բառում է (թլականություն, Առեղեման) և ոչ մի ու: Կամ 1265 թ. գրված «Ղատաստանագրքում» համապատասխան բառերում ու է գրվել 9 բառում, և՛ 20 բառում, իսկ 65 բառում գրվել է վ: Սա վկայությունն է այն իրողության, որ մաշտոցյան վ-ն ու կամ և տառերով փոխարինելը հակալեզվական արհեստականություն է եղել, և ինչքան էլ փոխել են, միշտ էլ արտասանվել է վ: Այո՛, բաղաձայնից հետո հանդես եկող վ-երը տառագրվել են ու-ով կամ և-ով երկբարբառներ ստեղծելու համար: Միայնվում է պարոն Որբերյանը, որ փակագծերի մեջ ավելացնում է. «Բացի բարոք բառից» արտահայտությունը: Պարոնը կամ չգիտի, կամ շրջանցում է այն իրողությունը, որ այդ բառը մատենագրության մեջ ունեցել է 6 տարբեր գրություն՝ բարիոք, բարեւք, բարիօք, բարեօք, բարեովք, բարեօվք (տես Ղ. Աղայան, հ. 3, էջ 351): Ահա այսպիսին է եղել դասական ուղղագրության գործնականը:

Արտաշես
ՀԱԿՈԲՋԱՆՅԱՆ
(Շարունակելի)

Բացվեցին Նորատուսի պատմական գերեզմանոցի վերանորոգված ցանկապատն ու մուտքը

Գեղարքունիքի մարզի Նորատուս գյուղում օրերս կայացավ Նորատուսի պատմական գերեզմանոցի ցանկապատման ծրագրի ավարտի շնորհանդեսը, որին մասնակցեցին Գեղարքունիքի մարզպետ Նվեր Պողոսյանը, ՀՀ-ում ԱՄՆ-ի արտակարգ և լիազոր դեսպան Մարի Յովանովիչը, ՀՀ-ում Իտալիայի պատվո իշխատուս Անտոնիո Մոնտարիոն, «Վիվասել ՄՍՍ»-ի գլխավոր տնօրեն Ռալֆ Յիրիկյանը, «Հայկական հուշարձանների ճանաչման ծրագրի» ղեկավար Ռիչարդ Նեյը, Նորատուսի համայնքի ղեկավար Մուրադ Հարությունյանը, պաշտոնական այլ անձինք:

Նորատուսի պատմական գերեզմանոցի ցանկապատման ծրագիրը, որը նախաձեռնել է «Հայկական հուշարձանների ճանաչման ծրագիր» կազմակերպությունը՝ ՀՀ-ում ԱՄՆ-ի դեսպանատան և Նորատուսի գյուղապետարանի աջակցությամբ, մեկնարկել է այս տարվա ապրիլի 28-ին և ավարտվել սեպտեմբերի 6-ին: Պատմական գերեզմանոցը, որտեղ պահպանվել են 9-18-րդ դարերով թվագրվող վեց հարյուրից ավելի գեղաքանդակ խաչքարեր և սրբատաշ շարվածքով մատուռը, ցանկապատվել է 2 միլիոն 185 հազար դրամի ներդրմամբ, որից 1 միլիոն 228 հազարը պատկանում է ՀՀ-ում ԱՄՆ-ի դեսպանատանը, Իտալիայի և Նորվեգիայի պատվո իշխատուսներին և «Վիվասել ՄՍՍ» ընկերությանը, իսկ 955 հազարը՝ Նորատուսի գյուղապետարանին:

Մարի Յովանովիչը, ելույթ ունենալով հանդիսության հարյուրավոր մասնակիցների առջև, նշեց, որ իր համար մեծ պատիվ է նման ընդունելության արժանանալը և ուրախալի, որ պատմական արժեքների պահպանության գործի համար այսքան մարդիկ են հավաքված, մասնավորապես երիտասարդներ ու պատանիներ: «Ես ոչ միայն հպարտ եմ այն գործերով, որ ԱՄՆ-ի կառավարությունը ծավալել է Հայաստանում, այլ նաև ամերիկացի այն անհատներով, ովքեր մշակութային արժեքների պահպանման ու ճանաչման համար ջանք չեն խնայում: Այդպիսի անհատներից մեկն էլ «Հայկական հուշարձանների ճանաչման ծրագրի» ղեկավար Ռիչարդ Նեյն է: Եվ հպարտանում եմ, որ այս գործը մենք ենք նախաձեռնել՝ աշխարհին ցույց տալով, թե հոգևոր ինչ արժեքներ են կրում Հայաստանն ու Նորատուսը: Հավատացած եմ, որ այսուհետև նորատուսցիներն ավելի մեծ ոգևորությամբ կպահպանեն այս բացառիկ նշանակության խաչքարերը»,- նշեց դեսպանը:

«Այս ամենը մենք կառուցել ենք ոչ թե մեզ, այլ Հայաստանի ու Նորատուսի»,- հայերենով ներկայացրեցին ղեկավար Ռիչարդ Նեյը, և ես այսօր աշխարհի ամենահպարտ մարդն եմ, որ կարողացել եմ պետք գալ համաշխարհային նշանակության մշակույթի և արվեստի այսպիսի կոթողների պահպանության գործին»:

Մինչև տարեվերջ լույս կտեսնի «Հայաստանի Կարմիր գրքի» երկրորդ հատորը

Անհետացած եզրին կանգնած՝ Սևանի իշխանը, հայկական իժը, սև արագիլը, գորշ արջը և շատ այլ կենդանատեսակներ տեղ են գտել «Հայաստանի Կարմիր գրք» նոր հրատարակությունում, որը տպագրվում է քսան տարի ընդմիջումից հետո՝ նոր չափանիշներով: Ինչպես «Արմենպրեսին» հայտնեց Հայաստանի բնապահպանության նախարարության կենսաբազմազանության բաժնի վարիչ Տատյանա Դանիելյանը, հերթական «Կարմիր գրքի» հրատարակության 10 տարի հետաձգման պատճառը ֆինանսական միջոցների բացակայությունն էր: Գրքի առաջին հատորը՝ մոտ վեց հարյուր էջ, արդեն տպագրված է, երկրորդը լույս կտեսնի մինչև տարեվերջ, որը, ի տարբերություն նախկինի, ունի նաև սնկերի ու անողնաշարավորների հավելյալ բաժիններ: Նոր գրքում նախկին 386-ի փոխարեն տեղ է գտել 452 բուսատեսակ, իսկ նախկին 99 կենդանատեսակի փոխարեն՝ 153:

«Կարմիր գրք» կազմելը դժվարին աշխատանք է, գործընթացում քառասունից քառասունհինգ մասնագետ է ընդգրկված: Տարվում են մանրակրկիտ ուսումնասիրություններ, որոնց արդյունքը տարիների քրտնաջան աշխատանքից հետո է միայն տեսանելի»,- ասաց Տ. Դանիելյանը:

Աշխարհում 1 մլրդ մարդ թերասնվում է Հայաստանում՝ թերասնման միջին մակարդակ

Պարենային քաղաքականության միջազգային հետազոտական ինստիտուտի կազմած «2010 թ. սովի համընդհանուր ինդեքսի» համաձայն աշխարհում այսօր թերասնվում է ավելի քան 1 մլրդ մարդ:

Փաստաթղթի հեղինակների կարծիքով, նման բարձր ցուցանիշի գլխավոր պատճառը երեխաների թերասնվելն է: Սովի ամենաբարձր մակարդակը արձանագրված է Սահարայից հարավ ընկած աֆրիկյան երկրներում և Հարավային Ասիայում: Կառավարություններին կոչ է արվում պայքարել առաջին հերթին մանուկների թերասնման դեմ:

Հետազոտությունն ընդգրկում է նոր զարգացող և անցումային տնտեսություն ունեցող 122 երկրներ: Դրանցից 29-ում իրավիճակը զնախատվում է «խիստ վտանգավոր» և «վտանգավոր»: Իրավիճակը վտանգավոր է Հնդկաստանում, Սուդանում, Եթովպիայում և մի շարք այլ երկրներում:

ՄԱԿ-ի Պարենի և

գյուղատնտեսության կազմակերպությունը սով է համարում օրական 1800 կիլոկալորից պակաս սպառելը: Դա անհրաժեշտ նվազագույնն է առողջ և ակտիվ կյանքի համար:

Նախկին ԽՍՀՄ հանրապետությունների մեծ մասում սովի ցուցանիշները ամենացածր մակարդակի վրա են, այսինքն՝ վիճակը համեմատաբար լավ է: Սակայն Ուզբեկստանում, Թուրքմենստանում, Վրաստանում, Հայաստանում և Ադրբեջանում արձանագրված է թերասնման միջին մակարդակ:

BBC-ն նշում է, որ 1990-2006 թթ. աշխարհում սովյալների թիվը կրճատվել էր, բայց վերջին տարիներին կրկին աճել է: 2009-ին թերասնվում էր շուրջ 1 մլրդ մարդ:

Վերջին 1 տարում ցուցանիշները վատթարացել են Կոնգո-կինշասի և աֆրիկյան 8 երկրներում: Ձեկուցագիրը հաշվի է առնում սպառվող սննդի կալորիականության պակաս զգացող մարդկանց թիվը, մինչև 5 տարեկան թերաճ երեխաների թիվը և մանկական մահացության մակարդակը: Ենթադրվում է, որ ամենամեծ վտանգի ենթակա են մինչև 2 տարեկան երեխաները. թերասնումը սպառնում է նրանց ֆիզիկական և մտավոր զարգացմանը:

Ձեկուցագրի հեղինակները բացասական ցուցանիշների աճը բացատրում են պարենի գների աճի և համաշխարհային տնտեսական ճգնաժամով: Երեխաների թերասնումը կարելի է 1/3-ով կրճատել, եթե սննդով և բուժօգնությամբ ապահովվեն ոչ միայն երեխաները, այլև հղի կանայք և կրծքով կերակրող մայրերը:

Նիկոտինային կախվածության մեղավորը գեներն են

Ծխելու սովորությունը շատ բանով կախված է մարդու սոցիալական միջավայրից: Բայց ինչպե՞ս է, որ ոչ բոլորն են մոլի ծխողներ դառնում: Մինչև այժմ ընդունված էր այդ հարցում լյարդին մեղադրել: Սակայն որոշ վերլուծություններից հետո գիտնականներն արդեն այլ կարծիք ունեն:

Հիմնվելով վիճակագրական տվյալների վրա՝ փորձագետները եզրակացրել են, որ թոքերի քաղցկեղից 10 մահերից 9-ը կապված է ծխելու հետ: Իսկ բացառություններ կազմող փաստերը, օրինակ, երբ 90-ամյա ծխողներն իրենց հիանալի են զգում, իսկ չծխող երիտասարդները հիվանդանում են թոքերի քաղցկեղով, գիտնականները հիմա բացատրում են գենային փոփոխություններով: Հետազոտությունները ցույց են տվել, որ թոքերի քաղցկեղով հիվանդանալու մեծ ռիսկ են առաջացնում 15-րդ քրոմոսոմի փոփոխությունները:

«Nature Genetics» գիտական ամսագիրը հրապարակել է 3 հետազոտություններ, որոնցում գիտնականների միջազգային խումբը՝ Օքսֆորդի համալսարանի փորձագետների ղեկավարությամբ, պատմել է գենետիկական կարգազրկի և ծխելու հակման միջև եղած կապի մասին: Ուսումնասիրելով 41 հազար մարդկանց տվյալները՝ գիտնականները հանգել են այն եզրակացության, որ 8-րդ և 19-րդ քրոմոսոմների մուտագեններն ունեցող մարդիկ

ծխախոտից կախվածություն ձեռք բերելու ավելի մեծ հակում ունեն և, սովորաբար, օրական ավելի շատ գլանակներ են ծխում՝ մեծացնելով թոքերի քաղցկեղի զարգացման ռիսկը: Բայց ավելի մոայլ է հնչում այն կանխատեսությունը, թե գեների այդպիսի մուտագեններն ունեցող մարդկանց համար թոքերի քաղցկեղով հիվանդանալու ռիսկը մեծանում է մուլտիպլ ավելի քիչ ծխելու դեպքում:

«Այս օրինաչափության բացահայտումը մեծացնում է ռիսկի խմբին պատկանող մարդկանց հայտնաբերելու և նրանց ծխախոտից հրաժարվելու համոզելու մեր հնարավորությունները», - գրում է Decode Genetics ընկերության գլխավոր տնօրեն Քերի Սթեֆանսոնը, ով ղեկավարել է այդ հետազոտություններից մեկը:

Լողավազանի քլորացված ջուրը քաղցկեղածին է

Իսպանացի գիտնականները հայտնաբերել են, որ լողավազանների քլորացված ջուրը կարող է հարուցել մարդու բջիջների ԴՆԹ-ի վնասվածք և հանգեցնել քաղցկեղի զարգացմանը:

Բարսելոնի Շրջակա միջավայրի համաճարակաբանության հետազոտությունների կենտրոնի և Դել Մար հիվանդանոցի աշխատակիցները հետազոտել են ջրի ախտահանման կողմնակի պրոպիլենի ազդեցությունը մարդու օրգանիզմի վրա: Այդ արգասիքները գոյանում են ջրում նախապես առկա կամ լողորդի քրտինքի, մաշկի մասնիկների և մեզի հետ արտազատվող օրգանական նյութերի և քլորի ռեակցիայի դեպքում: Դրանցից գլխա-



վորները տրիքլոմեթանի ածանցյալներն են:

Գիտափորձի ժամանակ 49 առողջ չափահաս կամավորներ լողավազանում մնացել են 40 րոպե: Դրանից հետո անցկացված տարրալուծումներից պարզվել է, որ ջրի ախտահանման կողմնակի արգասիքների հետ շփվելու հետևանքով ավելացել են միկրոմիջուկների քանակը լողորդների արյան լեմֆոցիտներում և մուտագենների բիոմարկերների քանակը մեզի մեջ: Դրանք կապված են քաղցկեղի վտանգի մեծացման հետ:

Բացի դրանից, կամավորների արյան մեջ որոշակի է դարձել CC 16 սելերտոզոլիմի պարունակության աճը: Դա վկայում է շնչուղիների վնասվածքի մասին:

Հետազոտության ղեկավարներից մեկը Ֆրանսուա Բեսսիե տված հարցազրույցում նշել է, որ անհրաժեշտ է վերանայել լողավազանների ախտահանման ստանդարտները: Աշխատանքի արդյունքները հրապարակված են Environmental Health Perspectives հանդեսում:

Գ ի ղ յ ը թ յ ը լ
Գլխավոր խմբագիր՝
Ա. ՏԵՐ-ԳԱԲՐԻԵԼՅԱՆ
Երևան-19, Մարշալ Բաղրամյան 24բ, հեռ. 56-80-14:
Դասիչ՝ 69268, գրանցման վկայական՝ 448:
Մտորագրված է փապարության՝ 25.10.2010 թ.:
"ԴԻՄԻՏԻՍ" ("Найка")
газета НАН РА